

四庫全書

集部

欽定四庫全書

石倉歷代詩選卷四百三十四

明 曹學佺 編

明詩次集卷六十八

楊廉

和朱大尹新正寫懷

潭潭道愛堂素不遁雜客况當正旦初公事少關白嘗
觀循吏傳聲譽無赫赫如公真其人清暇事文墨

和朱大尹郊行疊前韻

長安簪紱者軟塵戀東華誰知程鄆縣獨愛前川花今
晨偶無事行行臨水涯農功自茲始辛苦念田家

題張御史夫婦忠節錄

正統己巳秋北兵來犯塞權奸勸親征請留徒至再六
飛駐宣府已報前軍敗大同暮安營黑氣罩如蓋倉卒
議旋師鐵騎追已逮土木望懷來未在一舍外彼奸輜
重多牽制姑少待四十萬貔貅饑渴俱困憊長刀如墻

來關志我已怠乘輿既蒙塵綉斧旋遇害主辱臣死之
明訓簡編載南朝李侍郎心事本同派夫人聞訃音呼
天竟無奈諸孤屬未亡一死非所愛共姜矢柏舟凜凜
冰蘖在彼蒼祐善人後福殊未艾雙鳳已高騫仲也尤
大拜尚留忠節名永永昭百代

過肺簡莫水部

疎肺密肺連一帶南船北船此關隘往年水小謹啟閉
十日五日肺邊待今年濟水偶然溢雪浪奔騰復碎漉

下如落井上登天三老無功神是賴誰移兩山作一門
管束千流與萬派當初本為畜水設豈知水大亦為闕
世間未有無做法十利未免無一害人言月河且緩築
不然水勢無由殺牖官恨不高於山設心措意或有在
冬官先生大氣力能令駑鈍追驥快征夫自是懷往途
見月望弦今已再履霜又恐阻冰凍帝鄉尚在紅雲外
噫嘻水大莫怨遲還勝從前水小時

歌風臺

被酒徑澤隆準公巨蛇濺血污劍鋒鬼媪啾啾夜深哭
紅旗畫滿山之東入關堅守牧羝約親與降王除面縛
以寬易暴法三章告諭秦民皆喜躍董公遮道天遣來
發喪義帝師銜哀常聞伯者假仁義漢伯一著先胚胎
范增趣舞謀自拙玉斗何辜碎如雪傷殘所過無一言
惟對君王數持玦一仁一暴勝負分况有豪傑紛如雲
義旗東向無不捷感項直至烏江濱歸來豐沛乘黃屋
醉後高歌仍擊筑千秋游子思故鄉特令此邑為湯沐

我來訪臺正落暉兩碑對立高牆圍臺邊古井不可問
千年事往人民非炎漢開基未為窄泗上荒臺僅尋尺
興亡百戰無代無登高一嘯秋空碧

題林待用所畫山水為王員郎作

王君此畫來何從自言昨得之林公公心欣然為揮寫
蒼煙老樹山重重莓苔無塵水石淨中有袒裼遐棲翁
養高習靜君夙志無乃聊寓煙霞胸我言是境皆脫洒
朝市亦有山林風正聞部符忽相促淮陽征推行匆匆

詩人王事念靡監未許箕踞休長松淮陽莆陽地雖異
公齋對此將無同不見瀛溪廬阜下曾志鄉關在目中

蓮龜呈祥慶人壽

泥中曳尾塵土緣何如輕舉游紅蓮花開玉井長十丈
瑞鍾洛水經千年爭如老子學辟穀捉得靈龜當牀足
如雷鼻息撼蓬瀛一睡交梨一回熟

食梨戲作

鵝聲駝梨百顆多謝鄉人遠遺我放鵝出籠且養之

愛渠日浴當清池梨擇數顆呼爨僕緼火熟薪為蒸熟
擊來去柄削其皮軟脆頗足充吾饑記得往年涉遠道
南北兩京梨最好就中二美堪齊驅雪梨香水天下無
風滋露味生最上熟之似員方竹杖西江所產澁者多
間如嚼木齒欲訛是品只可令熟啗不比兩京熟味淡
噫嘻凡物皆有宜豈獨區區口腹梨

和儲靜夫戶侍元武湖

羣公湖上欣持盃此會難再須徘徊百年籍冊比銅版

祖皇嚴令如春雷就中半字誰敢裂冤抑扣之自能雪
環以波光水氣寒六月那知有炎熱千櫺萬牖諸庫開
我初見之猶驚猜承平戶口轉增益但覩萬國梯航來
我朝聲教皆漸被周禮司徒掌輿地示來詩句何鏗鏘
剩有高才敵賓戲中洲去岸六七里猶憶宿湖霄曳履
畫船上鎖金鑰收極目惟看渺瀰水一來五日耗不通
紗窓夜夜明晴虹魂清少寐歌達旦餘音下撼蛟龍宮
廿年不到湖上路回首光陰如箭去澄波照影衰鬢蓬

自覺容顏已非故沿堤高柳仍含煙鍾山一幅罨畫然
無端往事不可問惟有景物如當年

折桂寺

境豈浮屠勝東南秀此峯澗流千丈瀑崖長萬年松少
室留蒼鹿番君現小龍布鞋從此製雲嶠寄遐蹤

次韻張汝霖和潘黃門齋居二首

禪室由來靜幽偏更此亭天齋閑數日夜坐或觀星對
越惟精白功名要汗青昔年陪鎖闥從未此居停

右慶壽寺

明衣新樣製端默坐斯亭議禮嚴郊社分壇首日星裸
將牌纍白扈踞幕連青夜久千官轉鑿輿待曉停

右神樂觀

玉山察院和壁間韻

舍棹還趨陸停輿也駐駟陰重臺上栢畫黠壁間松雨
後蛙爭聚春深舟鬪濃喉襟南北地萬里盡堯封

除夕東湖錄唐子西詩見示同和其韻

光陰真轉轂此夜歲云徂潦倒仍縻祿羈愁自作漏
長頻翦燭寒甚懶圍爐靜想歸田語奚為竟不符

書荻港驛

客懷祇合醉騰騰荻港來沽酒十升貧戶為垣編白葦
小墟陳貨掛青藤乾坤好似閱人傳身世渾如行脚僧
喜是郵夫供筆墨聊將履歷記吾曾

道傍廢宅

破屋三間古道西蓬蒿門外與腰齊鼠留舊穴妖蛇入

雞別空埒野雉啼庭草有痕曾接燒上牆無覆半顏泥
感傷豈獨王承福馬上行人亦慘悽

竹枕

剖篁編枕荷朋分攜向南窓卧火雲節上帶來風露氣
牀頭愛看水波紋廣藤恨軟非能耐布被還清合與羣
西華睡臣唯片石可人爭似渭川君

邂逅張克修時聞李天瑞鄒汝愚貶官

卧病湖頭少送迎春風一笑故交情幾年逐客無消息

此日斯文喜合并往事不妨於我訴新聞更是使人驚
尊前只用沈沈醉分付蒼頭酒盡傾

聞鄒汝愚言事

燕臺消息近全無忽見封章出汝愚此日讀來驚吐舌
當時投進分捐軀洛陽自古稱年少西蜀于今有丈夫
愧我恰如君疏語江湖泛泛水中鳧

山居靜樂為范君賦

厭住城中住范塘應憐水色與山光欲耕不似人無地

習靜須知自有方，慣看庭前兒撲棗。勤呼牆下僕栽桑，
數聲啼鳥林花落。坐愛居閒歲月長。

慶成燕和吳懋貞韻

蒼壁先朝禮百神，赭袍今日讌臣鄰。盛分折俎園丘胙，
屢賜深杯內法春。虞室賡歌同浹洽，周家王業起艱辛。
由來致泰須君子，試數夔龍在要津。

白鹿書院留別野亭

鄱湖浪擻為誰停，鹿洞先生飽六經。夜卧喜聯泉上榻，

午吟便坐石邊亭
升沈瑣細同春夢
議論源流是過庭
水石清幽莫相負
好將陶冶答山靈

遊開先寺

昨日遺踪訪紫陽
今朝名寺寄徜徉
松依石路晴偏蔭
泉引齋厨飯亦香
世味豈如雲卧好
僧家端為客來妨
龍池青壁高千丈
欲記初游到上方

挽莊定山用見素韻

東頭曩日侍先皇
猶記鼇山第一章
獨酌久應收變理

素絲新豈戀羔羊不妨野寺叅南老肯使終身作務光
草閣天峰人已去依然籬菊自寒香

送宮保徐公致仕

歸沐君恩似海深堂開綠野對槐陰光生閭里新橫玉
惠普交親舊賜金鴈侶天邊長作別鷗盟溪上復相尋
大臣畎畝難忘國會見他年有諫林

寒溪樂壽為歛庠生呂佐父題

隱君節操老彌堅收拾寒溪萬頃煙塵柄譚高風入座

鶴汀魂醒月侵船
閒中野史春秋筆
社裏班行者
艾年桂籍自關兒子事
菊庄新酒自籬邊

送陳都憲本仁巡撫延綏

聖代規模萬世雄
備邊唐宋豈能同
因河踐華窺雄畧
掃穴犁庭上首功
虎旅誰言今獨少
狼煙吾怪近猶紅
延綏此去煩經畧
會見天山早掛弓

烹茶和趙侍御韻

惠山楊子事多虛
深井呼童試汲初
此日煮團看幾鳳

何人封絹託雙魚
睡魔降伏誠為易
歡伯交游便可踈
莫道今年先穀雨
摘鮮應是至尊餘

其二

白甌晃漾識先春
最愜空齋靜坐人
好事當年惟鬪早
名鑿近代更論陳
一鎗隨舫堪為伴
三盃揮毫覺有神
猶惜蔡襄天下士
翻將口腹愛君親

王大叅寄示知邵提學登滕王閣弔徐孺子墓
詩用韻復之

金
卷四百三十四
檻外長江水接天諸公虛矢正錚然新詩寄到殘年裏
高閣登來廿載前自昔三王皆雋傑如今邵子亦神仙
良時盛會無由再南浦西山意獨懸

王知州朝卿挽詞

相見當年好弟兄未幾黃甲即登名秋風我愛邢居實
循吏誰收董少平自古清才多夭死如今直氣有公評
海門夜折珊瑚樹月落潮來百感生

浮梁道中借前人韻

複嶺重岡轉更灣
迴然風景異塵寰
形如鳧浴溪生石
勢學蛇盤路遠山
計里已難憑
急舖停驂時得宿
禪關
經旬跋涉疲勞甚
尚有詩豪未易刪

詠珠燈次少宗伯馬先生韻

上元燈事頗爭妍
諦視高堂席屢前
太極團團明假象
恒星粲粲各歸躔
難將綴語隨寒士
祇合娛情照綺筵
一自陽春題品後
搢紳無數續詩篇

贈朱員外升之監稅江右用原贈韻

英英直氣詎能回桃李春風喜見梅
江省榮行俄已駕長亭貧宦未能杯
催科撫字兼為政錯節盤根始見才
此後佳聲頻屬耳江湖應有雁書來

贈胡工侍赴召

幾年光祿得相隨又喜遷官荷主知
冰泮長河旋旆日漏傳高閣候朝時
虞廷山澤為初命周室司空已峻資
自是大才當柄用早登公輔慰相期

同寅羅緝熙宅梅花用王懋學韻

花譜從頭仔細評此花偏是出塵清真香不藉風傳遞
老幹何憂雪壓平迹似化工分冀越影依窓紙定陰晴
乾坤消息枝枝上欲起伊川細講明

秋亭夜坐和呂冬官祖邦韻

公署能聞四釣磯靜中心地看危微誰游碧落風生腋
我在冰壺月浸衣籬下寒花驚漸滿院東高柳覺全稀
百原山裏堯夫坐世慮無端盡一揮

瑯琊寺和莊定山韻

山入瑯琊不計重沿溪秋水映芙蓉肯辭披草尋幽徑
安得誅茅住亂峰盤谷可當韓子序武夷應有紫陽踪
老僧會得西來意盡日跏趺對古松

開先寺讀書臺

僧房五百架廬峰鑿谷開巖重復重扶策昔人依薜荔
登臺此日宿芙蓉西來慣說庭前樹洛學能參寺裏鐘
最愛山中杉檜古月明窓外半虬龍

和韻復林雲庄

客星閣下頻來往，兩個漁磯管送迎。
使者諸方勞物色，釣船何處聽灘聲。
公無當日為臣意，帝有先年共學情。
怪底希踪巢父輩，是何諫議不能輕。

和吳宗伯並蒂瓜韻

秋瓜並蒂生無數，此等難云不是祥。
自與薔薇相並架，肯隨禾黍後登場。
青絲綰結搖風軟，綠葉紛披帶露瀼。
老我得歸林下日，會應多種遶書堂。

喜雨偶成簡東川太宰

三伏炎蒸雨勢微
孰云傾瀉復霏霏
未論秋意先通信
且與煩歎暫解圍
嘲哢有聲知鳥喜
寂寥無跡認龍歸
今宵謝得天公力
高枕安眠不啟扉

贈蕭凌漢巡撫兩廣

姓名當日重金閨
不負平生氣吐霓
品秩峻登臺左右
恩威行徧嶺東西
公廳綠滿榕陰合
驛路紅深荔子迷
循拊韓公推第一
願言聲望與之齊

邸舍牡丹盛開病中強成一律不欲孤負此花

耳無簡南峰儀制

臺榭何曾盡有之花中除此更無奇乃知植物爭妍日
却在春光欲暮時翠穀翦裁分嫩葉紅雲飛墮著柔枝
覘從世變趨文處每愛劉因解賦詩

癸未歲人日和杜工部韻簡吳東湖

晴明人日那能得方朔占書試舉看老去不無驚歲改
杯遲猶自作春寒世間樽杳同風過客裏光陰信指彈
七種菜羹傳舊俗呼童辦此未為難

送貴州鎮守牛總兵

十四章飛衆所推貴州南去擁旌麾蠻夷向後依山少
軍衛從前改郡宜上策恐無逾鎮靜先聲早已肅偏裨
輕裘緩帶委蛇地端為羊公遠大期

李錦衣得鳳凰臺遺址創別墅于其上春日邀
飲以病未赴次李白登臺韻以致謝意兼呈
席上諸公

古迹新營領客遊成陰鶴蓋盡名流密栽牡藥園紅紫

巧作池塘備島丘，僻靜渾疑非市郭。
清幽卽此是滄洲，無緣得躡前川後。
不著胸襟半點愁。

金吾衛指揮張英在正德末年剖腹以尸諫

命似鴻毛肯自殘，新聞竒事出長安。
精忠尚見唐金藏，往事無慚殷比干。
連署諫章文職繼，獨操匕首武臣難。
老夫和淚題詩句，留與他年告史官。

寄蔣敬所閣老

人物當今房杜流，清論冰玉重山丘。
追隨祕省如前日

調變中書已十秋天上懇辭黃閣去人間徑作赤松遊
九重回首思良佐何必勞神夢卜求

題畫四幅為吳德厚賦

山高徑路微林深茅屋小讀易者何人焚香坐清曉

題曹憲副採蓴卷

三泖秋霖浸四圍水邊那覺露葵稀金盤玉筍長安客
幾個西風為汝歸

送楊惟高先生致仕

一日能歸一日仙莫言華髮未盈顛夕陽江上收帆早
半夜何妨浪拍天

畫菊與鄒汝愚同賦

好事持醪莫謾過餐英擬和獨醒歌傍人祇愛寒香遠
知受風霜是幾多

題畫為吳德厚作

是邊家畫是林家古句形容亦自嘉樂意相關禽對語
生香不斷樹交花

石倉歷代詩選卷四百三十四

欽定四庫全書

石倉歷代詩選卷四百三十五

明 曹學佺 編

明詩次集卷六十九

傅珪

此日足可惜

百年如瞬息寒暑迭相侵所以聖賢學惜此分寸陰明日還易得今日不再臨試觀過隙駒載驟何駸駸眼前

斑白者昔時俱青衿纔言且姑待候爾老其心理自苦
中熟適意安足歆願言重日光監彼古與今

客至無穀得掃宇

茅雞今已無甄羊瘦難造蔬食復水飲倉卒真惡草甘
露漫分羹未應鬢華皓饋食無竹籩奚取用乾糝桑陰
纔種瓜堂前未剥棗決明此月生菰蒲待秋早昨日薦
芳鮮多品惟蘋藻今晨速諸父盤餐絕鱸羹君自城中
來是我舊交好蓬戶有餘光花徑不曾掃為別已經時

各欲攄懷抱相對几筵空何有於傾倒爰傷蓼蓼我更
憐肅肅鵠于飛集苞桑無任意慄慄民事日艱難不能
藝稷稻無以供子職何由媚翁姥比年聞旱魃去歲見
淫潦既乏出游勤又缺自焚禱愆陽及伏陰相逐成札
天潛遘氣薰蒸無間少與老溝壑轉羸弱土地塗肝腦
但救水火中豈復論皞皞車雨憶陳戩江谷怨張鎬是
誰遺此災願執投有昊祿食民膏脂民身國所寶死者
骨已枯生者形亦槁歸舍不能食此言當探討也知吟

哦忌不解明拆保戀戀與君言憂心覺如擣留君君不
留徒自增熱惱薄送出柳莊雲滿博陵道谷風習習來
民皆去煩燥蝮蝮忽然橫俄復日杲杲將謂破愁顏卒
訝招驚懊伴我心搖搖如彼風中蠢顛毛未暇理風中
亂蓬葆黃鳥此興歌駟馬喧隸皂高者登山阿深者入
海島君如有鐘鼓盍亦日鼓考匪我發狂言詩載山有
栲

挽黎尚書

青雲曾及第綠野更開堂南北三千里勤勞四十霜容
臺周禮樂史局漢文章寂寞龍峰下春風桂子香

訪晁克仁

孤鳥上魚梁行人雨濕裝兩行堤柳翠一片野雲黃問
路從漁父沿河到普莊故人冠亦白相見各神傷

送劉宗哲進士知東鹿

獻策登高第分符得要津鹿麕連郡郭滹水亘城闔父
老咸稱喜桑麻總待春憑誰傳循吏太史是姻親

送鄉同年梁君奇才判西安府

策馬秦川道春光欲半時暖風迎旆發甘雨向車隨宦
業唐師度才名漢不疑煩君尋舊跡一慰故人私

送劉可大編修

游子欲何之鄉園向海涯百年炊白夢一寸倚門私賜
告恩何重還朝駕莫遲木天常職在應不負幽期

新寧伯家饗堂成賜額壯節

戰伐餘骸骨勲庸有汗青賜祠昭壯節列爵重新寧雨

露杉松茂春秋黍稷馨敬承孫子事應慰在天靈

送李司訓之乾州

案牘勞終日何如此職清坐談惟往聖環立有書生棘
院頻抽句賢關久擅名盡心期報國端不負生平

飲張黃門宅夜歸有感

人情如世態蚤暮有炎涼纔曝西巖日俄飛遠塞霜曲
終陳雅樂酒進託流觴月色中天在亭亭照四方

雪落赴悔軒席馬上口占

雪花方數點庭院已生寒
治具煩東道敲詩待長官
剡溪乘興往御柳隔春看
却笑髭空斷能吟幾字安

首夏吏部左堂即事

自公還小坐拙與懶相宜
花外鶯啼遠藤梢鹿下遲
厨丁收午飯堂吏報申時
印鑰題封罷剛能課一詩

抵大寧書僧舍西楹

村外重岡護原頭怪石蹲
水聲來樹杪花影上山根
寺古殘碑蝕僧貧破衲存
俗塵消不得何用訪柴門

霜落後議遊葛洪山答問

傍花春日趣未必勝秋吟
霜落水清淺木凋山靜深
淡容存老菊爽籟得禪林
空谷經行處幽懷更不禁

送王司訓之閩中

重領除書下玉京一尊相對不勝情
師儒有道官非冷案牘無勞夢亦清
榕樹翠含山店雨荔枝香噴海天晴
知君定有蘇湖教傾耳南閩聽鐸聲

晚菊

千紅萬紫競芳菲何事黃花獨放遲
中谷英英零露質
東籬采采傲霜姿就荒曾入淵明賦
已老還憐子美詩
不是春風故相妬寒香自與晚秋宜

寄同學知友

十年芹泮喜相知一別今成兩地思
賓館空懸徐孺榻
暮雲常憶杜陵詩泚毫梁苑真慚拙
抱玉荆山莫嘆遲
聖代登賢隆往古秋風蟾桂有高枝

挽鄒撫松

曾聞江漢有垂綸
瀟洒人間六十春
卜式向來能拜漢
園公老去愛逃秦
劍懸新墓松三尺
鶴弔空庭月一輪
簡點當年高士傳
名流相顧欲沾巾

送劉進士克立知屯留

曾將詞賦奏長楊
又捧除書下建章
小邑也應歸禮樂
同鄉真亦借輝光
離筵春酒沾燕市
匹馬秋風出太行
莫為臨歧重惆悵
漢庭虛席待循良

送體齋先生還鄉省祭

暫看辭直下承明故里聊為畫錦行
夢裡江山歸嘯咏
望中桑梓亦光榮
陶園未許開荒徑
商鼎還須作和羹
懸望我慚門士後
春風屈指算回程

送郝汝容赴京

花落紛紛滿路歧
東風客去獨淒其
一年景象惟春日
百歲光陰幾別離
馬踏盧溝看月曉
鐘鳴長樂待晨熹
廟堂便合憂民瘼
不似南窓寄傲時

夜酌

故人同叙故園情
花氣馨香酒氣清
且盡東君投轄意
謾憐西塾讀書聲
望迷遠塞雲俱黑
坐久空堂燭自明
却憶元戎實車騎
燕然新勒幾時成

與諸鄉友手談

軒過何以答高情
光祿新分九醞清
琥珀浮來濃有色
琉璃寫出細無聲
試看寶鏡催人老
肯使金樽負月明
萬事如棋堪一笑
幾番輸去幾番贏

將雨

鶴鳴堙上已多情底訝東風習習清馬首濕妨尋柳興
擔頭寒澁賣花聲雲飛遠堞如灰白螢度疎簾似火明
自是豐年元有兆南郊曾慶禮初成

同張中舍克之訪陳士彥國子監

曉涼板友禁城東不為尋芳踏軟紅月色尚餘三島外
漏聲初盡百花中識途老馬行相逐出谷新鶯語亦同
何事浮雲多變態惟應一笑付西風

和中允克温咏雪

窓前徹夜似虫號屏翳馳驅不憚勞遠道慈烏飛欲盡
上林瓊樹簇偏高春來喜見滋羣動老去愁聞點二毛
何處仙郎歌郢曲逼人清氣壓秋濤

再次韻克溫雪假山兼謝留飲

屬爾家僮凍莫號為山因雪未為勞上天賜予從來厚
平地功夫積漸高對賞不須康樂屐徧題何惜管城毛
昨宵北海開樽處笑挹瓊華泛翠濤

其二

月上都城鳥不號賦詩行酒漫辭勞巷多車馬寧論僻
山有神仙不在高耳熱凍思溪外石年來霜入鬢間毛
君家陽羨茶名久試掃新虞點素漚

送南太常卿楊應寧之任

文章誰是大方家早歲英名海內誇幾處作人歌豈弟
陪京典禮際亨嘉望中山水詩應助夢裏丘園路不賒
莫道南都清暇甚名還行見下黃麻

用送陳士彥韻送張實之貳城固

袍笏承恩鳳闕東
爐烟輕拂曉雲紅
閭閻休戚歸民牧
秦隴淳龐說漢中
稱雨不妨終日異
斷金惟欲此心同
知君養晦賢關久
况是傳家有素風

送吳克溫

承恩送舅向江鄉
盛事無須說渭陽
司馬共稱良史氏
子雲仍攝校書郎
溪頭春茗舍煙碧
舟底鱸魚入饌香
誰道錦還從昔少
十年三度見登堂

送嚴永濬太守考最還西安

秦川郡守漢郎官水檠聲華入望寒政跡已看書上考
詩名况是滿長安一番好雨添行色千里仁風擁去鞍
寄語郊迎諸父老暫時借寇若為歡

送李子陽歸省

護樹年年獨繫情南歸暫許別承明聖恩初轉春宮秩
故里爭誇畫錦榮江上暮雲孤夢遠望中秋水片帆輕
經帷聞道猶虛席屈指回轅日幾程

送蘇伯誠提學江西

飄飄季子印非遲黃紙新函手自持海內文宗真有屬
斗南人物更無疑擔簦合傍春風座對榻還思夜雨詩
見說江頭雙鯉足不妨緘素慰吾私

挽李充昭都諫

諫苑清風不可追詞林寥落舊心知倒衣曾作趨朝敬
反袂真成喪道悲萬里修途憐折軸半軒殘雨憶彈碁
楚江浩蕩廬山迴目斷丹旌佇立時

題祭壽圖

金史卷之八十三
卷四百三十五
江天遙識少微星
閒閱乾坤八十齡
高咏直追陶栗里
幽居還傍晉蘭亭
名知郡守非干謁
誼重鄉閭足典型
何事壽筵光彩異
新看雛鳳下青冥

送郭魯瞻復除濬縣

關下銅符喜再分行
旌遙指濬川雲
棘鸞不獨仇亭長
竹馬還同郭使君
百里桑麻隨雨化
萬家弦誦傍城聞
只今當佇知循吏
馳馬行看覓出羣

和克溫寒夜獨坐

更漏沈沈夜色賒
天留清景付貧家
乍凝簷外冰成柱
亂舞堦前雪作花
酒醒忽驚寒欲動
燭殘猶愛影頻斜
莫言冷淡無人識
一曲陽春衆所誇

和克溫春夜獨坐

中天斗柄又回東
積雪俄看化玉虹
茶憶荆溪分雀舌
酒沽燕市當邯鄲
虛堂坐久寒生白
蠟炬花殘夜翦紅
細讀君詩何所似
春雲藹藹散晴空

元宵應制

通宵禁鑰啟重關爭看金黿海上山縹緲祥煙橫帝闕
薰蒸和氣溢人寰風生玉砌車塵動月轉珠宮扇影還
獨有昇平歌曲妙君王應為一開顏

送彰德太守劉君達夫之任

十年杏苑舊同遊出入賢勞鬢未秋抗疏每聞持正論
分符獨喜向中州甘棠陌上陰堪憩病草風前色漸瘳
莫道一麾西去遠芳名今已注宸旒

送袁君健甫復除上元縣

京邑賢勞舊已曾除書重下五雲層事同願借還非偶
時擬先徵正所能花底漏聲辭玉陛江邊秋色望金陵
奚囊秀句頻頻寄莫謂高飛雁避矰

送王文著同知忻州

賓幄叅謀亦有年深沈欲並都生賢推封已見承殊寵
別駕何須訝驟遷雲繞太行遲去馬月明南浦怨啼鶻
不緣客邸生離思鄉井相望易水邊

乙丑二月一日泊晚劉承華見約攜酒殺同餞

劉廷宣地官寧夏送賞

二月都城夜尚寒何人餞別具盤餐一燈論舊歸鄉客
萬里輸邊屬地官望入重關天勢濶夢回離館雨聲殘
為民為國吾儒事肯嘆人間行路難

懷歸

朝回魂爽便南飛欲諗衷情向瑣闈十載松楸空想望
四時蘋藻孰歸依日來賜服花添錦夢裏親身布作衣
暮史朝經成底事魯論開卷愧無違

齒動

四十纔過齒即危却慚猶未及衰期字音不敢分明道
肉味非因咀嚼知塵世於人剛可戒貧官何物軟相宜
閒中尚覓神醫術恐負蒸民第五詩

壽李閣老先生

綺席春深泛紫霞分明相府是仙家調元正捧雲中日
結實還看海上花千載文光瞻北斗九重恩渥疊黃麻
疎慵幸接龍門早一曲南飛思未涯

齋居簡毛靳二翰長

齋廬相向隔疎槐清話何妨數往來風雨滿窓驚筆陣
鶯花隨處避吟臺錦袍講幄曾同賜草具盤餐每共開
今日老癡成獨坐高軒底事尚遲迴

同馮西屏郁文淵遊西山

雞距泉頭望抱陽翠屏隱隱護山鄉浮塵不到閒行客
高興寧辭醉後觴秀色一川松葉淨黃雲萬頃稻花香
詩成却愧無佳句也問東君借錦囊

抱陽山夜酌次西屏韻

月上東山報晚晴，曲終剛見一峰青。
題分秋興詩應健，坐隔寒泉酒未醒。
祖席飛飛螢似燭，僧房面面石為屏。
但將佳境留人住，亦是山神肯效靈。

宿第一峰

忘歸薄暮話從容，夜宿郎山第一峰。
鷲嶺並看靈隱寺，雞聲兼聽景陽鐘。
清泉帶雨流深澗，老鶴棲雲伴古松。
有約纔成輕聚散，不知何日得重逢。

下郎山

下山仍似上山難
石蹬峻嶒跨急灘
孤嶽未登還細問
好花雖過亦回看
時逢狹徑苔偏滑
候到新秋氣已寒
小歇菜菴門外柳
開囊試簡幾吟安

大寧山由雲梯上塔訪翠峰禪師

澗草巖花迥不同
他山何處避高風
層巒如出青雲外
片石疑來白雪中
下院有松孤鶴伴
上方無路一梯通
飄飄已覺吾身健
誰復蓬萊問海東

九月府堂諸公相攜登橫翠樓

街頭風雨報重陽
菊正芳菲酒正香
橫翠客來開晚霽
蓮池月出漾天光
塵消西接青山近
霜冷南飛白雁忙
此日放懷君莫訝
牛山曾笑淚沾裳

送編修良德兄太守君考績還任

雙旌新獻績二妙舊知名
客底連床夜離筵對酒情黃
花方爛漫白雁故飛鳴
路入江鄉便舟隨綵鷁輕
石渠資講畫部屋待經營
拜壽慈闈下還將四牡呈

送王澄之弟還鎮海

上國來遊重友于，歸情猶自憶江湖。
一樽不盡臨歧意，明月西風雁影孤。

畫兔

搗藥年年住廣寒，瓊漿時吸桂花丹。
何人最慕仙家景，移取霜毛畫裏看。

畫馬

霜蹄汗血勒朱幘，老氣曾空冀北羣。
此日天閑聊縱目。

分明箇箇五花文

題屈都諫引之墨梅

誰拈彩筆向西湖
貌取寒梅入畫圖
為愛清香兼晚節
幾人相對撚吟鬚

紅梅

玉骨清癯恐太奇
春風一醉便看宜
人人認作西園杏
只有江邊月色知

題天章攜琴訪友圖

圍屏晴翠送遙岑寂寂柴門野色深誰過斷橋攜綠綺
殷勤特地覓知音

元宵應制

火樹參差映碧空滿城和氣自融融分明炎海冰天外
都在春臺玉燭中

其二

清夜香生輦路塵蓮花如錦月如銀君王別有光明燭
遍照窮簷部屋人

題楊廷宜侍御手卷花縣鳴琴

重重桃李縣衙深更對清流與碧岑自是日長民事少
一簾花影伴鳴琴

元宵應制

一曲霓裳萬朶蓮祥煙繚繞護神仙廣陵未必能勝此
何用虹橋起殿前

賜衣

叨列詞林七品班春官侍校愧疎顏何緣更奉君王賜

錦綺三端借白鷗

雨中問宿唐胡村南寺

溪流曲曲抱南山
天與禪林作畫看
有客晚來添一景
雨中吟對碧峰寒

訪易水

荒村野寺碧山頭
白澗西來易水流
我欲放歌尋壯士
寒煙衰草不勝秋

渡易水

空山萬頃海雲收
一水中間帶石流
日暮無端風乍起
蕭蕭猶自使人愁

歸自大寧重渡易水

岡巒過盡見郎山
曲曲沙堤易水灣
東望金臺人不見
數聲啼鳥野花閒

杏花初開書此遣興

春到年年醉習家
閒將野意向人誇
東風報道清明近
扶病猶能看杏花

白圻

題陳哲太守萬玉圖

元冥一出百卉摧
凍天裂地施寒威
西湖老樹含春姿
鮮葩皎月爭光輝
清香暗從風外來
怯寒蜂蝶空疑猜
結實垂金飽霖雨
調羹止渴非凡材
孤山仙子詩興濃
厭看桃李嬌春風
衝寒折雪攬芳潔
豪吟意氣凌蒼空
十載論交良燕喜
此日分襟隔湘水
明歲仍期折一枝
寄與衡陽舊知己

送中丞王陽明撫鎮江右

龍江風靜潮初落，楓葉蘆花秋漠漠。
船頭擊鼓催發船，為君起舞勸君酌。
憐君獨擅八斗才，夙承家學繼掄魁。
納忠一疏昭日月，謫官三載留塵埃。
清朝選拔採廷論，碧海神虬豈終困。
省寺迴翔幾十年，超陟內臺持帝憲。
慚予仰德如斗山，敢云契誼同金蘭。
二子從君辱陶冶，耳提面命開蒙頑。
使旌搖曳西江路，天子恩威兩宣布。
禮樂三年筆底翻，甲兵數萬胸中富。
大敷文教暢武功。

帝曰汝來匡朕躬唐虞治道在古學朝夕巖廊沃聖衷
贈都督楊希仁赴召

邊星昨夜欖槍伏邊草萋萋自抽綠大將功成士馬閒
天子臨軒再推轂龍盤虎據留都重閭外元戎維汝用
擁旄仗鉞出長安鷹揚氣勢煙雲動承平最久誇江東
百年不見狼煙紅公來鎮靜民物豐日長豹幄懸雕弓
天顏咫尺降絲綸海不揚波塵不驚宣威久賴股肱力
折衝正倚卿威名揚公才藝何起卓兩歲三遷恩寵渥

石頭城外送君行，愁見江天雲漠漠。
青春祖道槐陰穠，紛紛冠蓋生英風。
高牙玉節趨王命，方叔召虎今惟公。

園亭晚坐用杜韻

吏散尋幽去，園亭獨自娛。
春苔墮馬跡，暮蝶蹴花鬚。
句向閒時得名，慚待價沽。
坐看新月上，身世欲忘吾。

三月晦日

節序如轉燭，春歸不肯遲。
破愁應賴酒，適興可無詩。
草色迷蝴蝶，花枝泣子規。
清和自佳候，倏忽到南陂。

初夏與王宋二同寅夜坐用杜韻

微涼動修竹，晚色上樓遲。
待月清吟處，看山露坐時。
鳥輕飄紫毳，虫細吐清絲。
尊酒聊乘興，還期續短詩。

其二

明月照尊酒，涼風拂樹頭。
醉餘山簡興，吟破杜陵愁。
警柝通宵急，疎星帶水浮。
林塘危坐久，景物似新秋。

浙江驛別杭東卿僉事赴京進表

寒屋風燈亂，秋江夜雨鳴。
浮雲憐去住，尊酒叙平生。
魏

闕衣冠會鈞天禮樂成甘棠歌更發名伯重南行

黃田驛次陸月湖憲副韻

駢駢向曉行迤邐上延平水淺浮沙白山高落月明鳥
飛連樹影鐘遞隔溪聲秋暑消初盡新涼入幕清

茶洋驛次陳希白方伯韻

南平山月白仙桂已成丹雲到中秋淨溪當午夜寒飛
飛烏繞樹齒齒石依灘極目煙波迴鄉關入望難

小憩

登登山北路面面對斜陽雲宿溪松暗風吹晚稻香空
山無酒館古驛有茶洋小憩思民隱驚秋鬢欲霜

白沙驛再次陸憲副韻

雙旌出海東煙浪有無中尊酒船頭月詩篇筆底風溪
深通地脈峯巧奪天工千里遊從久應知客况同

送汪大尹考績

華亭盡道使君賢尊酒清江送客船渺渺白波添宿雨
離離碧樹帶晴煙上書久擬三千牘獻績先歸尺五天

明到玉京秋未老繡衣驄馬著先鞭

送冒有恒守武昌

除書赫奕出明光簡命星郎牧武昌北路風煙連宛洛
西郊形勝控雍梁春波迴見三湘淨甘雨新添六月涼
珠履行臺無一事柳車花鷁問農桑

江亭餞別贈袁太守德宏

榮捧麟符出帝京漢中千里得專城雲橫棧道侵天碧
江瀉巴陵漱石清地轄三方歸統制山圍四境足農耕

承平好展匡時畧不使文翁獨擅名

太白樓次林兵部利瞻韻

去日嘗登太白樓重臨畫檻挹寒流
丹山有路通瀛海黃菊多情傲晚秋
千里煙波迷客思滿江風雨動鄉愁
酒酣極目天涯暮遠浦人歸一葉舟

宣平道中

麗水南來接麗峰虬龍騰偃靄重重
鐵崖萬仞當空立白練千尋傍午春
山腹雲深迷望眼溪頭雨過漫行踪

乘危歷險非耽賞王事旬宣在靖共

登台院和荅彭憲副作

夕陽高柳石橋斜春燕銜泥掠遠沙疊嶂籠煙晴亦雨
長江浴日浪生花百年行役真成夢滿道厓羸重可嗟
溪上人家逢穀雨又聞租吏索新茶

登東山

為愛東山一登眺謝公遊處事多違奕棋人去亭空在
洗屐池閒草自輝明月每依江水落白雲時逐野僧歸

風流千古悲陳跡，獨倚高樓送夕暉。

松雲菴次韻贈李方伯惟誠

山外樓臺倚大荒，山中歲月靜禪堂。
詩從左轄吟西寺，酒向東隣過短牆。
古樹寒雲迷去轍，空階夜雨對焚香。
不須到處栽桃李，已有甘棠蔭此方。

鴛鴦湖次彭濟物憲副

畫船湖上擁旌旄，幽賞憑將永日消。
萬頃晴煙疑接海，一篙新浪欲平橋。
輕風拂柳家家酒，甘雨隨車處處苗。

遲暮歸來過村市野人爭唱太平謠

水口驛次韻

新漲晴江樹杪船隔年歸路遠依然燈開夜市山樓畔
吏報郵籤水驛邊未息蠻煙愁鬢改易通魚札喜家便
更憐鵝後多殘雪荔子纔殷桔柚懸

倚韻答林見素都憲

平寇歸來蜀道長江天落日正蒼茫乾坤勲業名長在
鷗鷺心機世兩忘楓嶺地晴絲冉冉蘭溪風靜水浪浪

金少府八人三言
卷四百三十五
雲莊亭上詩千首不羨裴公綠野堂

鎮江別家兄

重向金山續舊遊山形依舊屹中流
鴉羣翻樹甕城晚雁字掛空瓜步秋
此處十年曾話別明朝兩地復生愁
長江萬古東流急歸渡何人識岸頭

齋居

中宵不寐數巖更梅影橫斜伴月明
庭院風來寒正峭池塘雨後水初平
齋心對越臣工肅客思能忘歲序驚

曉色氤氳天駕返禁庭遙憶慶儀成

夜集吳興天寧寺

綠樽清話倚殘燈把卷題詩取次增
海味分甘嘗遠客春茶旋煮出高僧
風吹湖面秋千頃月落山腰雪幾層
信宿分襟情不盡梵宮高處擬重登

別邵二泉方伯

別酒淋漓瀉玉觴江亭臘破早梅芳
天連煙草離情迴雁度寒雲去路長
秋月曾看明兩浙春風又見轉南陽

元和聚散尋常事，獨有同年誼不忘。

與友人夜酌

蕭蕭官署坐黃昏，故國風光到海門。
吳地月明山吐影，越江秋半水收痕。
他鄉叙舊知新事，殘夜論詩對酒尊。
爾我悠然情未已，一聲寒角斷吟魂。

遊永寧寺次巡撫鄧中丞韻

晴日看山影未窮，竹林迢遞小溪東。
草鋪橫壑新春雨，鶯轉垂楊過午風。
杯酒不須憐我老，笑歌方幸與君同。

疎鐘急柝歸途晚
燈火前村隱樹紅

獨坐

深樹春鳩語
小亭春晝長
竹牀初睡起
風引落花香

池上

波動魚兒戲
風翻蓮葉香
偶來成獨步
花霧濕衣裳

雲南司水亭次韻

徙倚天光樹影中
微吟莫放酒杯空
韶華老去池亭在
閒看東風舞落紅

送方與濟

使君兄弟獨多情
千里相攜到石城
不盡連床風雨話
清江一棹又南行

甘露寺別家兄

野寺同過酒漫傾
梅花月色照離情
孤舟暫繫春江曲
愁看綠波芳草生


蘭亭修禊圖

飛觴泛水集羣賢
文采風流自往年
靜裏披圖懷勝事

一川新綠鎖輕煙

寧海道中

山路縈紆白晝長
青青澗草弄幽香
風光莫訝春逾半
陰谷梅花尚未芳



石倉歷代詩選卷四百三十五

欽定四庫全書

集部

石倉歷代詩選卷四百

三十六至
四十

詳校官編修臣謝振定

侍讀臣孫球覆勘

總校官進士臣朱 鈐

校對官中書臣汪學奎

騰錄監生臣周 煥

欽定四庫全書

石倉歷代詩選卷四百三十六

明
曹學佺 編

明詩次集卷七十

桑悅

感懷

瓠巴愛鼓瑟伯牙解鳴琴師曠聰可塞史妘聲宜瘖齊
人適寰宇耳愜臨淄音休哉大方士宅心冥古今

其二

東方有佳人靚粧不踰闕
蹇修孰知名矩步依內則
行思飛蝶幸坐受細蟲感
豈如臨江花落水送春色

其三

梧桐片月墮嫋嫋涼風生
日中轉炎燠霜雪疑暗零
手搏初月光遙寄千里情
天晴三五夜是妾寸心明

其四

織女望牽牛銀漢一何遙
天緣許會合秋清正良宵
張

騫取星槎吳質伐桂橈安用人間鵲腥羽編成橋

其五

仙都鼎湖峰特立千萬丈平原遠環侍高嶺爭揖讓結
廬臨絕頂四海一騁望至人騎元氣遊戲青冥上

其六

孟秋涼氣至風物淒以清不眠看寥廓我屋將倚傾盤
松盈牖下歲寒自光榮誰知天地上半寸皆青冥

其七

逝日不可追誰能駐光景春陽媚花草荏苒歲華冷玄
鳳德未成颯下丹山頂路逢清冷泉徘徊照孤影

其八

東園有竒花容姿鮮灼灼雖是春風開亦是春風落甘
霖被郊原蔓草輕蘭葯所以高岡松無言樹寥廓

遊仙

遙瞻太華山林樾蒙日月西巖穴浮雲突瓦東嶺缺補
膝庸神功山靈永契濶颯颯朔風勁四野木葉脫遊人

動春興殘樹成點血日暮途或窮我車肯改轍深湫有
神蛟服食太始雪何時為吾駕飛上太清闕

其二

乾坤委吾形夙稟山澤姿登擬王屋巔泛彼東阮湄吹
噓膚寸雲為霖注枯畦竭來邈崇澗齒舟石離離幽事
契衷曲擷藻撫漣漪大鵬墮微毳迎風薄天地毫竅稟
靈氣翹越卑藩籬始信佞期志譴譴黃小知

其三

少年負竒氣仗劒行九州日月委青鬢風霜粘紫裘
湛清冷淵日暮思迴舟幾宿山水窟夢寐釣天遊
路逢龐眉翁云是古許由相攜眺荒塚迷骨高於丘箕山迺
蓬島潁水即弱流凡胎杳難升路絕三千秋吾名在玉
簡塵世那能留寄語元真子迅速馳素虬

同丁秋官鳳儀夜坐

哦詩北斗下清夜珠未央長天捩孤影一雁東南翔
我心如風露夏夜亦清涼况對秋月坐肌骨沁寒光

子以痼疾中呈當道郁堂謝公不允令就醫藥
視事未能即歸和朱文公病中呈諸友韻

衰病卧春雨疎懶甘閒居羣芳想搖落庭草青有餘久
懷遺世志似與冠裳疎數日理輕裝自捲汜勝書中丞
未解縛對景增躊躇決策定長往抽毫賦遂初天機愁
日淺俗絆隨時祛還家席門坐不用來軒車

久雨春寒殊甚杜門不出觸景興懷和文公月

夜述懷韻

陰雨壓春意坐怯衣裳單
騷經舊香草想綠沅湘間
雲深翠鳳杳天濶蒼虬寒
軒輶幾時駕長往遊君山

感遇再用前韻

春秋各芬芳窓前蘭與菊
平生絕榮願窮途不須哭
縱步阱難防暝投藩易觸
公論需久真誰畏彤管辱
三窟詎云安一枝自堪足
桃李爛盈門牛馬量以谷
四海物滔滔何處芻一束
浩歌歸去來誓作林下獨
竒巧石為屏瑤琮泉漱玉
至樂在桑榆林塘居可卜

和朱文公讀道書

塵世難縱步，眷焉思十洲。
躡履登碣石，濯纓臨弱流。
折芳遺所思，玉樹無春秋。
太虛一回首，歲月空悠悠。

其二

漱齒北斗下，沆瀣何清涼。
仰望玉霄府，紫炁彌穹蒼。
蓉城老仙伯，貌古雙瞳方。
百年一瞬息，遲我無何鄉。

其三

仝期舊僚友，示我還丹道。
緘書寄黃鵠，侑以金光瓊。

漿幾桃熟雲葉九芝老玉詔期不來晞髮丹霞杪

其四

崦嵫山萬仞日落風淒淒雲駟駕牽牛良夜同安期織
女濯銀河顧盼生容姿相看不語步月興遐思

去郡有日感今懷古觸景興思和文公北山紀
行留作郡中話柄

風雅徽音絕騷經何表表每思空同遊頗厭濁世小誰
侍水仙班宓妃殊窈窕謁帝默無言雲駟駕星鳥

其二

賈生經濟才政書匪華說鵬鷁同死生自遣藉莊列薄
宦亦長沙喜見廟貌設治世獨憂遑迂踈踵遺轍

和朱文公齋居感興

心地湛日月嗜慾昏天機動靜未專定真性隨塵
飛八駿日千里羈勒故難違主人坐中堂僮僕生
光輝蜿蜒八表外沒景何玄微瞬息或徇物誰共

義軒歸

題畫

彤庭沈沈月華滿珠簾暗帶紅霞捲春光常在繡幃中
化機不屬天工管金壺謾瀉瓊瑤漿壺中一刻如年長
舞腰裊裊輕貼地過雲音樂催高翔別院風光春正好
銀燭高燒照晴昊警露非無閨苑禽聽歌自有天山鳥
窓前琪樹搖玲瓏玉爐香燼落花風紉衣自習越溪事
那知銀箭浮銅龍霄漢低迴天咫尺抱衾擁帚皆恩澤
素娥薄相為僭趨女伴相逢不相識

題畫

京師車馬何紛紛
眯目千里皆垢氛
思元居士偶羈束
野鳥飛混樊籠羣
張侯少作金閨彥
胸次曾盪峨眉雲
手攜此畫索題咏
知人惡臭將蘭薰
嗟余最愛專一壑
良工代我心云云
竒峰重疊照清泚
古木慘淡籠斜曛
數屨茅屋隱林表
勝景盤錯橋平分
此中正我開眼處
陰符一卷香初焚
云胡失脚落塵網
招致只有山殷勤
昔日擬辭責四皓
去年題詩頌五君
夢魂飛上匡廬頂

醉嗅五老皆奇芬拂衣歸去一彈指銘墓堪笑王將軍

春遊歌

君不見大羅天上逢新年詞頭促辦詞林仙我濯文錦
銀河邊星宿相射光煜然玉皇覽畢祭玉齒休沐偶誦
逍遙篇於時青帝頒春去東望斗柄迴雲鞭相逢偶談
下界勝二月三月異卉紛爭妍我思遊玩心頗動一念
墮落東風前謫來塵世幾十載晨烏夕兔忙推遷馳驅
邊徼強求活徒倚寥廓恒思愆得閒又起尋芳興萬紫

千紅俱業緣看花有作渾漫興舊格不許人間傳描春
欲貢天工賤醉呼丹山彩鳳銜上天侑以鮫人綃織離
騷篇鮫人綃織離騷篇經緯赤城霞氣蛾眉月色蒼梧
煙

逢迎

布帛可衣粟可餐逢迎不救饑與寒奴顏婢膝殊齷齪
何事能開巖毅目跳圈舞杖擾且馴是人弄狙狙弄人
君不見祖思恭謹遭殺戮夷狄猶知拜為辱

長命草

龍城山中長命草采黃花顏色好懸崖掛壁常發生
朝暮搬移不枯槁歲寒獨見柏與松非時欲值難為功
爭如此草出凡質淨洗塵土根虛空世間物變無不有
杵地成羊樹生酒

白牡丹

一春無計遣繁華倚香傍色餐流霞妖桃穠李俱小器
拭目晚看花大家素質盈盈美無度何年謫下瑤臺路

精神飛入銀河篇體態都歸洛神賦神樂觀主容臺卿
空花壓眼真無情吾儕放浪為無事東風斗酒消春晴
曾聞二本歸天上幾度重瞳轉相向內園點綴黃金屋
禁苑安排紫綃帳朅來此種留人間託根洞府非塵寰
隨時窮達花不識天遊何必乘青鸞

重續麗人行

洛陽三月春無主桃花落盡清明雨名園接葉暗棲煙
可教鶯燕無言語陌頭車騎何紛紛顧盼似空遊女羣

柔情薄射伊水月倦思怕領龍山雲就中八姨最年少
上馬臨風殊窈窕白日淒迷天暗垂萬姓遊魂隨一笑
當時宰相名國忠幾回並繼朝真龍綃裙六幅行委地
峽水拖入華清宮杜陵老翁慣饑餓半生只對山妻卧
酸眼驚看絕世姿錯認九天元女墮此翁向後攢百憂
潼關戰骨堆心頭始知昔日眼中見寶釵銀鬪皆干矛
君不見巍巍文武開周國削義降仁褒如色再觀青史
發長嘆丹臉雙刀古無敵

題梧竹奇石圖

琴瑟未斷先具形
簫管未截終完聲
天將碧玉為寸筵
拊擊翠石石亦鳴
分明一部真韶樂
彩鳳能招下寥廓
古音不復將何如
請君看此韶樂圖

李節婦

遊絲墮地風不起
燈燼霏霏落江水
良人一去不可招
形忍為人心作鬼
黃葉擁籬秋滿門
孤兒索果啼黃昏
三喪欲舉况赤手
渤澥捧土成高墳
白日遲遲常不曉

浮雲飛過長空杳夢魂泛盡水中萍血淚滴枯庭下草

招賢里

公卿薦士久不作此地舊有招賢名誰知燕臺一坏土
可直全齊七十城魏闕遥遥楚天碧滿眼白雲江水急
小山叢桂不聞歌秋空月冷黃金泣

題趙子昂馬

天池定水生連漪臨流濯出神龍姿圉官欲驕心辟易
夾道行來風倒吹竒骨稜稜堅似鐵王孫畫之心欲折

燕山有路可長嘶何時得染溫禹血

劣馬行

昔年老杜歌偏側只有兩言堪歎息日騎官馬送還官
道路難行澁如棘我修州志蒙官愛坊長每日輪一疋
居間坐卧牽在前緊要欲行何處覓東家有馬性惡劣
雙足擎空向人立家僮拚命據其背振地一跌加兩踢
此後談馬便色變路逢童點心辟易蘇秦說窮問舌在
李全戰敗疑手失我官正居大夫後肩輿無人足無力

幾回歷覽地輿圖
茅茨拘悶住不得
願同禦寇駕長風
浩浩一身周八極

宿山寺

夜宿山中寺
儵然物外情
倚松僧意靜
浮竹佛香昏
鼠窺燈出饑
鳥近鉢鳴小
池生泡沫似
勸學無生

送春

年換朱顏去
春拋綠酒歸
孤身類蓬轉
老眼看花飛
愁裏成新詠
閒中簡舊非
丁寧初夏雨
好長故山薇

入山

客子尋幽興隨雲入亂山
清秋吟不極盡日影俱閒
靈籟追長嘯殘霞映醉顏
脫身塵土外心靜是真還

春雪再和前韻

朝來飛雪正纖纖春日春寒覺更嚴
梨已吐花重傳粉梅纔結子早和鹽
月通餘彩明穿戶風捲疎團暗墮簷
忍凍閒看庭外竹紛紛玉節瑩梢尖

七夕飲石田母姨夫宅

析木津邊建兩旗華堂開宴趁佳期人間親舊追歡夕
天上婚姻適意時乞巧不如常守拙相逢最苦即分離
銀河清淺如前度靈鵲回來報我知

落花

花好能禁幾日開東皇應乏補春才紛紛怪我耽詩句
點點催人進酒盃殘片有情棲綠葉香魂無倚泊蒼苔
十分顏色歸塵土處處名園是馬嵬

贈蕭時清

十里螺湖如掌平，開門正挹滄浪清。
偶逢道士贈丹訣，閒課山童抄酒經。
晝長燕子飛入戶，春盡樹陰鋪滿庭。
近來聞說有奇事，賣藥修琴曾到城。

碧溪

五兩蓑衣百尺竿，溪流十里足盤桓。
卧分芳草為衾枕，坐愛清流照肺肝。
花落無聲雲影動，鳥飛不度鏡光寒。
平隄多種芙蓉樹，惟有秋容耐晚看。

西園閒步

雙足能行勝小車西閭城裏盡吾家隣僧共約嘗新茗
園叟時邀看好花文變何須論虎豹書狂常恐化龍蛇
晚來占斷長天景閒倚西風送落霞

弔禰正平

經過此地倍堪傷憶子青年餉虎狼四海難容身一葉
三江都化淚千行能言賈禍真鸚鵡覽德冥飛愧鳳凰
今古憐才惟造化芳洲留寫舊文章

宿茶陵五峰菴

攀蘿躡磴路盤紆出澗流泉百折餘地獻秫田充佛供
天留松徑作僧居數聲清磬紅塵隔一瓣名香黑業除
喜共山雲分半榻通宵魂夢寄空虛

予既調柳憲長林君待用以書來云柳州山林
子厚為之出色今付公矣作詩答之

三載星沙作宦遊每逢山鳥話綢繆鷓鴣知我行不得
杜宇勸人歸去休泛月詩成湘水夜看雲興入大瀉秋
安心此日無言語肯與宗元競柳州

歸計已成述懷

年幾五十鬢成絲
物理人情覺悟遲
處事求名先得謗
謀身弄巧便成癡
豪吟氣象清平世
沈醉情懷太古時
長笑一聲歸舊隱
空山魑魅最相知

詠老人燈

鶴髮垂肩儼壽星
兒童扶立耀門庭
存如掣電何須計
生已垂光不足驚
虛火上衝心即爍
酸風斜拂眼還明
繁華閱盡俱螢燭
自許焚身入化城

其二

假合分明兩鬢秋
鮑郎衫袖帶膏油
衰顏自分隨灰滅
急景何妨秉燭遊
得火常時能煖腹
避嫌終夜只搖頭
却疑南極星辰現
一點光芒落海陬

登樓

西風吹帽雪籠頭
今古無情獨倚樓
日月悠悠長劍老
乾坤納納此身浮
江南山水聞孤嘯
塞北煙塵結四愁
望斷北辰心萬里
寒雲斜日楚天秋

古別離擬孟東野

傷心別君淚垂垂滴中庭一庭芭蕉葉天晴聞雨聲

小遊仙詩

仙童驚報筆生花萬丈長虹纈彩霞獨進詞頭三百卷
承恩常醉玉皇家

其二

玉女班中忽吐光體生微妙自然香紫蘭細擷歸何處
七寶欄杆白玉房

題鵓鵲

性拙全為衆鳥嗤，玲瓏巧舌許誰知。
小園昨夜春歸去，落盡殘紅怨子規。

題巖下花呈長沙守劉鳴遠

巖下花開不見天，狐根絆石水相連。
漁郎繫纜柔條上，惱殺香紅落釣船。

印溪春行嗣響老杜

印溪橋邊一樹花，溪南大路抱村斜。
日日行人自來往，

昨宵殘片委泥沙

羅玘

送何邦彥僉憲江西

已成新相知忽作新別離
始知別離早更覺相知遲
程孔整傾蓋不在多言辭
高枝有鳴鳥如進我酒卮
酒盡子當去依稀合天涯
豫章古水國其下蟠妖螭
請出匣中劍一一剗剗之

漁陽邊防圖

白日麾大旗裨王來接戰長弓發健臂射中裨王面歸
營夜張燈照見大羽箭天明上馬去勇氣逼飛電佇看
名王歸拜獻明光殿

送周主簿任南城

連山抱如環過水縈城脚軍州自古置小邑舊附郭蒸
黎戀門闕不厭土地薄神泉醜可釀出境配靈藥門無
催租吏家有斲地鑿市女面無脂野老巾不著囹圄寂
生蓬譙門可羅雀謬當封藩圖一變百病作黑夜騎屋

山白晝面相縛竊虞鑽泥鮎化作棹尾鱷觀君饒道氣
秋漢騰一鷄老夫頻搔首仰面望寥廓

送王太守之福州

建溪難柸杙梨嶺可捫天行路無多日居官動幾年心
忘書郡最身要得民便不用磨崖石口碑容易鐫

送張尚書歸南海

御史大夫舊尚書戶部新不如歸去好猶是向來貧
有留詩句路無逢故人潮聲纔入耳始覺嶺南身

送蕭舉人歸永州壽親

不瞻覆白髮已是幾青春曾作還家夢終非戲綵身
南山天共老東海古無津此意誰應識瀟湘行路人

送曹進士知貴池

到江真幾里為縣可三年心自難忘蜀官還只住燕鶯
花繁別酒楊柳夾行船向日登瀛客相期禁籞邊

送徐德章中舍捧詔金陵便省宜興

上方消息香傳語落人間南國持旌去東吳衣錦還入

門便繞膝登馬強看山可過先公隧荆溪第幾灣

送彭世傑之廉州經歷

百粵通丹徼孤城對海門珠光夜炯炯蜃氣晝昏昏但
得叅軍壯能令刺史尊明朝萬里別吾意欲忘言

菊莊

陶令公然醉生涯半草萊門從前日掩菊待幾時開山
近還堪竹亭空只欠梅中冷有泉水欲引過江來

長春軒為清江劉先生題

竹密年年筍樹多，日日花天應憐老景春。且住貧家鄒氏律，吹谷建溪鼓，喊茶終須窺造化，不似此生涯。

遊方山與石樓志別

相逢盡道乞還山，公乞還山使得還。浮世風煙棋罷局，百年光景手循環。穿雲躡磴疑天上，到寺對僧如夢間。明日河橋盃酒後，月明千里隔陽關。

送趙縣丞之招遠

海上羣山魚立頭，待君單騎入登州。颶風夜半驚批屋。

蜃氣朝來看吐樓諺素慢從羣吏聒耳真聾有府公留
寅賓出日今何處好與乘閒款款遊

送周工部冊封兗府

百尺樓船陰水容夾河爭認是東封文章蝌蚪生金薤
日月光華射袞龍孔道晝臨宣父宅使星宵逼丈人峰
九重昨露真消息欲買龜蒙作附庸

黃卷潛心

不為勞勞逐蠹魚平生即此當菑畬兒童莫笑頭顱白

恐是研山行秘書

赤壁圖

如此良宵能有幾有船便合載坡公當時若只載歌舞
安得于今在畫中

石倉歷代詩選卷四百三十六